



Broj: 02-11-2634.2/20
Datum: 05.08.2021 godine

Na osnovu člana 64. stav 1. tačka b) (najniža cijena), člana 70. st. 1, 3. i 6., a u vezi sa članom 25. i 72. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku od 03.08.2021 godine, u ponovljenom postupku javne nabavke roba – Nabavka i postavljanje PVC podne, heterogene elastične dvoranske podloge i nabavka i instalacija opreme za dvoranske sportove, Općinski načelnik, d o n o s i

ODLUKU

o izboru najpovoljnije ponude

Član 1.

Prihvata se preporuka Komisije od 03.08.2021 godine i ugovor za javnu nabavku roba – Nabavka i postavljanje PVC podne, heterogene elastične dvoranske podloge i nabavka i instalacija opreme za dvoranske sportove, se dodjeljuje ponuđaču „SPORT NET INŽENJERING“ doo Široki Brijeg, ponuda br.03/9-11-34/21 od 08.01.2021 godine, kao prihvatljiva -prema kriteriju „najniža cijena“.

Cijena ponude bez PDV-a je 153.330,68 KM, a ukupna cijena ponude sa PDV-om je 179.396,89 KM.

Član 2.

Prijedlog ugovora dostavit će se na potpis izabranom ponuđaču i to nakon isteka roka od 15 dana od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se Služba za budžet, finansije i poduzetništvo.

Član 4.

Ova odluka objavit će se na web-stranici <http://www.kladanj.ba/> i to istovremeno s upućivanjem odluke ponuđačima koji su učestvovali u postupku javne nabavke.

Član 5.

Ova odluka stupa na snagu danom donošenja i dostavlja se uz obavještenje o rezultatima postupka ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom broj: 02-11-2634/20 od 16.12.2020 godine.

Javna nabavka je provedena putem Otvorenog postupka.

Procijenjena vrijednost javne nabavke: 153.500,00 KM bez PDV-a.

Objavljivanje obavještenja o nabavci: Obavještenje br. 241-1-1-34-3-20/20, objavljeno je na Portalu javnih nabavki dana 16.12.2020 godine, a u „Službenom glasniku BiH“, br. 82/20 od 18.12.2020 godine.

Komisija za predmetnu javnu nabavku imenovana je Rješenjem broj: 02-11-2634/20 od 05.01.2021 godine.

Ugovorni organ je u navedenom predmetu javne nabavke, donio Odluku o izboru najpovoljnijeg ponuđača pod br.02-11-2634/20 od 26.01.2021 god., na koju su žalbe uložili: „Top sport“ doo Bijeljina i „Trisar-inn“ doo Sarajevo.

Rješenjem URŽ-a br.JN2-03-07-1-483-9-/21 i br.JN2-03-07-1-491-9-/21 od 25.03.2021 godine, Odluka ugovornog organa o izboru najpovoljnijeg ponuđača pod br.02-11-2634/20 od 26.01.2021 godine, je poništena i predmet je vraćen ovom organu na ponovni postupak.

Ugovorni organ je u navedenom predmetu javne nabavke, u ponovnom postupku donio Odluku o izboru najpovoljnijeg ponuđača pod br.02-11-2634-2/20 od 10.05.2021 god., na koju su žalbe uložili: „Trisar-inn“ doo Sarajevo i „Top sport“ doo Bijeljina.

- Rješenjem URŽ-a pod br.JN2-03-07-1-1468-8/21 od 23.07.2021 godine, žalba žalitelja „Trisar-inn“ doo Sarajevo je odbijena kao neutemeljena (odbijeni su svi žalbeni navodi kao neutemeljeni).

- Rješenjem URŽ-a pod br.JN2-03-07-1-1521-9-/21 od 23.07.2021 godine, žalba žalitelja „Top sport“ doo Bijeljina je usvojena (navodi iz žalbe su djelomično utemeljeni), te je Odluka ugovornog organa o izboru najpovoljnijeg ponuđača pod br.02-11-2634-2/20 od 10.05.2021 godine, poništena i predmet je vraćen ovom organu na ponovni postupak.

- URŽ je u navedenom rješenju pod br.JN2-03-07-1-1521-9-/21 od 23.07.2021 godine o poništenju Odluke ugovornog organa, naveo da se predmet vraća ugovornom tijelu na ponovni postupak u kojem će postupiti po stavovima ovog tijela iznesenim u ovom rješenju i donijeti novu odluku u skladu sa Zakonom o javnim nabavkama i podzakonskim aktima iz oblasti javnih nabava.

Postupajući po stavovima iznesenim u rješenju URŽ-a pod br. JN2-03-07-1-1521-9-/21 od 23.07.2021 godine, ugovorni organ je upotpunio postupak na način kako je URŽ u gore navedenom rješenju o poništenju Odluke ugovornog organa i ukazao tj. u kom pogledu se treba upotpuniti postupak, odnosno u kojem će postupiti po stavovima ovog tijela iznesenim u rješenju, te je utvrdio odlučne činjenice za donošenje Odluke o izboru ponude navedenog ponuđača kao povoljne za predmetnu nabavku, koja je ocijenjena prihvatljivom prema kriteriju (najniža cijena), dok ponude žalitelja „Trisar-inn“ doo Sarajevo i „Top sport“ doo Bijeljina, nisu ponovno razmatrane (nije ponovno vršen analitički prikaz već dostavljenih dokumenata, niti su vrednovane), a iz razloga što su navedene ponude cijenjene kao nekvalifikovane, a što je i utvrđeno u Zapisniku o pregledu i ocjeni ponuda od 08.01.2021 godine (strana 14/16), gdje je navedeno da se ponude istih isključuju zbog neispunjavanja uslova za kvalifikaciju.

Nakon upotpunjenog postupka na način opisan u Zapisniku od 30.07.2021 godine, Komisija za javnu nabavku ocjenjuje prihvatljivom ponudu ponuđača „Sport net“ doo Široki Brijeg, a prema kriteriju (najniža cijena), pa predlaže, a shodno odredbama člana 70. ZJN, donošenje Odluke o izboru ponude navedenog ponuđača kao povoljne za predmetnu nabavku.

Naime, u ponovljenom postupku za donošenje ove odluke, ocijenjeno je da je Komisija u svemu pravilno postupila, da je pravilno cijenila već prikupljene dokaze, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom.

Uvidom u priloženu dokumentaciju, nesporno je da je izabrana ponuda u okviru planiranih sredstava za predmetnu nabavku, te da je ponuda prihvatljiva prema kriteriju "najniža cijena".

Cijena ponude bez PDV-a je: 153.330,68 KM, a ukupna cijena ponude sa PDV-om iznosi: 179.396,89 KM.

Iz gore navedenih razloga, a primjenom člana 64. stava (1) tačka b) (najniža cijena) Zakona o javnim nabavkama („Sl. glasnik BiH“, broj 39/14), odlučeno je kao u članu 1. ove odluke.

POUKA O PRAVNOM LJJEKU


Protiv ove odluke može se izjaviti žalba, najkasnije u roku od 10 (deset) dana od dana prijema iste.

Žalba se izjavljuje ugovornom organu u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, ne manji od tri.

Dostaviti:

1. Ponuđačima:

- „TRISAR-INN“ doo Sarajevo, 1x
 - „TOP SPORT“ doo Bijeljina, 1x
 - „SPORTNET INŽENJERING“ doo Široki Brijeg, 1x
2. U spis predmeta, 2x
3. web-stranica <http://www.kladanj.ba/>, 1x



OPĆINSKI NAČELNIK
Jusuf Čavkunović, dipl.ing.